

ԳՐՈՂԸ ՀԱՆՑԱՎՈՐ ՄԻՋԱՎԱՅՐՈՒՄ՝
ՄԱՐՈՒ ՀԱՅՅԱՆ ԱԼ-ԹԱՈՒԻԶԻԴԻԻ ԵՎ ՍԱՍԱՆԻ
ՋԱՎԱԿՆԵՐԻ ՕՐԲՆԱԿՈՎ

10-11-րդ դարերի արաբ հեղինակ, 'աղաբի (1) գրականության մեծ վարպետ, սակայն արդեն կենդանության օրոք անտեսված, լքված ու մոռացված 'Աբու Հայյան ալ-Թաուհիդիին (մոտ.՝ 310/923 – 414/1023թթ.) վիճակված էր պատմություն ուրք ղնել՝ իր տրամադրության տակ ունենալով արաբ աշխարհագրագետ, պատմիչ և բանասեր Յակուբ ալ-Համաուիի (մահ.՝ 626/1229 թ.) "Երաշխավորագրերը": Դրանց և իր հեղինակության ուժով Յակուբը նախ Արևելքի, ապա և աշխարհի համար "վերահայտնագործեց" ալ-Թաուհիդի երևույթը: Իսկ այդպիսով շահած ալ-Թաուհիդիի "գրական անմահության" ամբողջ ընթացքում հենց այդ բնորոշումները դարձան ալ-Թաուհիդիի "այցեքարտը": Արաբական միջնադարյան գրականության ամենամեծ ու հեղինակավոր մատենագիտական բառարանում՝ իր "Ուղեցույցում". Յակուբը մասնավորապես այսպես է գրում ալ-Թաուհիդիի մասին. "Սասանի զավակների պարագլուխ", "սուֆիականության շեյխ", "աղիբների փիլիսոփա և փիլիսոփաների 'աղիբ", "քալամի մուհակկիկ և մուհակկիկների մութաքալիմ", "պերճախոսների իմամ", "եզակի աշխարհում, որին հավասարը չկա" (2):

Ալ-Թաուհիդի անձի և հեղինակի, նրա ճակատագրի ու ձիրքի հետագա ընկալման գրեթե բոլոր փորձերը բխել են այս բնութագրերից, որ նրան տվել է Յակուբը, և դրանց մեկնաբանումից: Այսպես "սուֆիականության (3) շեյխ" բնութագրությունը, բազմաթիվ մեկնաբանությունների ու թեզիսների տեղիք տալով, այսօր համարվում է գրեթե ապացուցված իրողությունն առ այն, որ ալ-Թաուհիդին եղել է սուֆիականության հետևորդ: "Աղիբների (4) փիլիսոփա և փիլիսոփաների 'աղիբ" բնորոշումը ալ-Թաուհիդիի առնչությամբ ամենից հաճախ կիրառվողն է և ամենապարզը. 'Աբու Հայյանը մուսուլման մտավորական էր, ով քաջատեղյակ էր նաև փիլիսոփայությանը: Նաև՝ "Քալամի (5) մուհակկիկ (6) և մուհակկիկների մութաքալիմ (7)", այսինքն՝ մուսուլմանական դոգմատիկ աստվածաբանության մեծ գիտակ էր և գիտակների մեջ՝ դոգմատիկ աստվածաբանության հետևորդ: "Պերճախոսների իմամ (8)", "եզակի աշխարհում, որին հավասարը չկա" բնորոշումներն էլ որպես ռճաբան և պերճախոսության վարպետ աչքի ընկած ալ-Թաուհիդիի նկարագիրն են: Դրանք իրենց հերթին լավագույնս բացատրում են շվեյցարացի արևելագետ Ադամ Մեցի

մեկնաբանություններն ալ-Թաուհիդի վերաբերյալ: “...առավել հասարակ ու այդուհանդերձ առավել ուժեղ ու խանդավառ արձակ արարքերն լեզվով ոչ որ չի գրել նրանից հետո”, եւ “այդ ոճի անգերազանցելի վարպետն”¹ եւ ով “կանգնած է այդ արվեստի գագաթին”⁽⁹⁾:

Սակայն բոլոր աղբյուրներում, հիշատակության պարագայում անգամ, բացակայում է մեկնաբանությունը, թե ինչ կարող է նշանակել “Մասանի զավակների պարագլուխ” բնորոշումը ալ-Թաուհիդի դեպքում: Թվում է՝ ուսումնասիրողները խուսափել են եզրեր գտնել միմյանցից տրամագծորեն տարբեր այնպիսի հասկացությունների միջև, ինչպիսիք են մուսուլման մտավորականը՝ ի դեմս ալ-Թաուհիդիի և միջնադարի մուսուլմանական հանցավոր աշխարհի ներկայացուցիչները, որոնց անվանում էին նաև “Մասանի զավակներ”:

Բուն առնչությունները դուրս բերելուց առաջ անհրաժեշտ է հասկանալ, թե ալ-Թաուհիդին և Մասանի զավակներն առանձին-առանձին ինչ էին ներկայացնում իրենցից:

Այսպես՝ Աբու Հայյան Ահմադ իբն Աբբաս ալ-Մուֆի ալ-Թաուհիդին ծնվել է 4-րդ/10-րդ դարի առաջին քառորդում չքավոր ընտանիքում ենթադրաբար Բաղդադում: Փայլուն կրթություն է ստացել նրա ուսուցիչների թվում են եղել ժամանակի ամենահայտնի գիտնականները: Ամբողջ կյանքում իր ապրուստը վաստակել է որպես *քաթիթ*²՝ գրագիր, գրիչ (10): Փորձելով բարելավել կեցությունը՝ հովանավորություն է որոնել Ռեյ քաղաքի 3 տարբեր վեզիրների մոտ՝ բոլոր դեպքերում կրելով անհաջողություն. վեզիրները հրաժարվել են ճանաչել ալ-Թաուհիդիի գրական ձիրքը: Ալ-Թաուհիդին 2 տարով ինչ-ինչ հովանավորություն էր գտել Բաղդադում՝ Իբն Մա՛դան (մահապատժի է ենթարկվել՝ 375/985-86թթ) վեզիրի մոտ: Դրանից հետո անդառնալիորեն ալ-Թաուհիդիի կյանքի ուղեկիցներն են դարձել լքվածությունը, չքավորությունն ու ստորացուցիչ վիճակը: Մահացել է 4/10-րդ դարի առաջին քառորդում ենթադրաբար Շիրազում: Թողել է 32 անուն գրական գործեր՝ փոքր ծավալների ուղերձներից մինչև մի քանի հատորանոց ֆունդամենտալ աշխատություններ:

Ինչ վերաբերում է Մասանի զավակներին, ապա Աբբասյանների խալիֆայության (11) շրջանում, մասնավորապես 9-12-րդ դարերի ընթացքում և հատկապես Իրաքի ու Իրանի տարբեր քաղաքները ողողած էին ապադասակարգայնացված տարրերով՝ թափառաշրջիկներով, աղքատներով և գող-ավազակներով: Հանցագործ աշխարհը ներկայացնող այդ զանգվածին կոչում էին ընդհանուր *ֆիթյան* (“խարդախ”) և *այյար* (“շրջմուլիկ”) անուններով: Իսկ քանի որ դրանց շարքում հանդիպում էին նաև հասարակության բարձր խավերի ներկայացուցիչներ, ապա նրանց երբեմն

հեգնալի անվանում էին “Մասանի գավակներ” (مساكن)՝ իրանական Մասանյան հարստության (224-651թթ.) հիմնադրի անունով։ Առասպելը սա բացատրում է այն ավանդությամբ, որի համաձայն Մասանը երիտասարդ տարիքում գահից գրկված լինելով՝ հեռացել է լեռներ՝ քրդերի մոտ, հավաքել է աղքատների ու թափառաշրջիկների մի ամբողջ բանակ և մուրացիկ կյանք է վարել։ Այսպես պարսից արքայազնը ակամայից դարձել է գող-ավազակների “անվանադիր նախնի”։ Արաբական խալիֆայության բնակչության այս շերտը՝ իր բանուգործով ու հասարակության մեջ ունեցած դերով, մոտավորապես նման էր “պրոֆեսիոնալ չքավորներին” միջնադարյան Եվրոպայում (12), նրանց պես էլ համախմբված էին գողերի, ավազակների, չքավորների և այլոց կորպորացիաներում (13)։ Վերջիններս իրենց շարքերն էին հավաքագրում ոչ միայն հասարակության “տականքին”, այլ նաև ամենատարբեր, այդ թվում և՛ ազգաբնակչության ուսյալ շերտերի ներկայացուցիչների (14), մտավորականների։ Այն պարագայում, երբ 10-րդ դարի խալիֆայությունում կյանքի պայմաններն այնքան էլ նպաստավոր չէին ուսյալ մարդու համար, երբ ոչ արաբական ծագումով մեկենաս-տիրակալները հաճախ անտարբեր էին արաբական գրական ավանդույթի հանդեպ կամ գիտական-գրական սալոններում ոչ բոլոր մտավորականներն էին տեղ գտնում, ի հայտ եկավ գրական գործունեությամբ զբաղվող կիսաչքավոր-կիսաշրջմուլիկ ուսյալ անձի տիպը, որը քաղաքից քաղաք էր շրջում և առիթի դեպքում ելույթներ ունենում հասարակական վայրերում։ Այս թափառաշրջիկ գրողների շարքում հանդիպում էին ցածր հոգևորականությունից սերող մարդիկ, մուսուլմանական ուսումնական հաստատությունների սաներ, անհաջողակ կամ իրենց տեղը չգտած պաշտոնյաներ, ինչպիսիք էին քաթիր-գրագիրները։

Մույնով թվում է մասամբ լույս է սփռվում գրագիր ‘Աբու Հայյանի և Մասանի գավակների առնչության հարցի վրա. ալ-Թաուհիդիին շատ հանգիստ կարող էր լինել այն մտավորականներից, ովքեր ներգրավված էին ‘այյարների ու ֆիթյանների շարքերը։ Հատկապես այն բանի նկատառումով, որ Մասանի գավակներին թեթև առնչություններ ունեին ալ-Թաուհիդիի որոշ հայտնի ժամանակակիցներ, որոնցից ոմանց հետ ‘Աբու Հայյանը անձնապես հարաբերվել էր։ Խոսքը մասնավորապես Իբն ‘Աբբադ ալ-Մահիբ վեզիրի (մահ.՝ 385/995) մասին է, որը լավ գիտեր փողոցի լեզուն՝ Մասանի գավակների ժարգոնը (*մունաքաթ բանի Մասան*)։ Ալ-Մահիբ վեզիրի մոտ ալ-Թաուհիդին գրագիր էր աշխատել 978-ից 981-ը և նրանից բաժանվել որպես թշնամի։ “Մասանի գավակների պարագլուխ” մականունը, որ նշում է Յակուբը, հնարավոր է չարացած վեզիրի պատասխան “շնորհը” լինել ալ-Թաուհիդիին. վեզիրի արքունիքից փախչելուց հետո ալ-Թաուհիդին ըստ

Եւրոյան համալրել էր չքավոր, ոչ փետրված մտավորականների շարքերը: Իր հերթին 'Աբու Հայյանը դարի ամենանշանավոր վեզիրին և երևելի գրողի համարում ունեցող անձին՝ Իբն 'Աբբադին, ծաղրուծանակի առարկա էր դարձրել իր "Երկու վեզիրների վարքուբարքը" գործում: Դրանում հեղինակը Իբն 'Աբբադ վեզիրին մեղադրում է բոլոր հնարավոր արատների համար՝ ժառոտությունից մինչև արվամոլություն: Նույն ժամանակի գրական շրջանակների մեկ այլ ներկայացուցիչ՝ ճանապարհորդ և գրող 'Աբու Դու'լաֆ ալ-Հազրաջին, ալ-Սահիբ վեզիրի գրական խմբակից էր, Սասանի զավակների արգոյի գիտակ, անգամ նրանց կյանքը լուսաբանող պոեմ էր գրել (15) և ինքն էլ, ըստ որոշ տվյալների, նախատիպ դարձել Բադի' ալ-Զաման ալ-Համադանիի (969-1007) *մականաների* (16) համար: Մականան Սասանի զավակների նկատմամբ հետաքրքրության դրսևորում էր՝ գրական նոր ժանրի տեսքով (17): Մականանների ամենահայտնի գործերում առկա են այդ կորպորացիայի անդամների վարքուբարքին նվիրված կտորներ: Ուշագրավ է, որ ինքը՝ ժանրի հիմնադիր ալ-Համադանին, ուսյալ աղքատ էր (18): Նրա հերոս 'Աբու ալ-Ֆաթիմը նս իրենից ներկայացնում է չքավոր միջնադարյան մտավորականի տիպ, որը ստիպված է մուրացկանություն անել, բայց չի իջնում բացեիքաց գողության մակարդակ:

Ե՞րբ և ինչպե՞ս կարող էր ալ-Թաուհիդին առնչվել Սասանի զավակներին: Արդյո՞ք նրան Սասանի զավակ է դարձնում միայն այն հանգամանքը, որ ինչպես մականաններում է ասվում, խելքը ոչ որի պետք չէ այդ դարում. և խելացի, գիտուն՝ աղիքը փաստացի ապրում է փողոց ընկած մուրացկանի, "համեստ արվեստագետի" կյանքով:

Այս հարցերի փոքր-ինչ այլ պատասխան են առաջարկում ալ-Թաուհիդիի որոշ գործերում տեղ գտած ակնարկները, միջադեպերի նկարագրությունները: Դրանցից ամենաընդգրկունը գտնում ենք ալ-Թաուհիդիի "Ժամանց և վայելք" գրքում:

Խալիֆայությունում Բուխների իրանաշիական հարստության (932-1060) տիրապետությունը նշանավորվում էր Բադղադում գրանցվող անընդհատ հուզումներով և շիա-սունիական բախումներով: 363/974-ի բադղադյան անկարգությունների ժամանակ ալ-Թաուհիդիի տունը թալանվել է: Ահա թե ինչպես է հիշում ինքը՝ ալ-Թաուհիդին, իր կյանքի ամենադժբախտ օրերից մեկը՝ "Վայելք և ժամանց" գրքում. "Մենք դարձանք մասնակիցներն անցքերի՝ տարօրինակ, արտասովոր, զարմանալի և զագրելի: Մենք դարձանք ավազակների պարագլուխների գոհերը... հարձակումները, ալան-թալանը, հրդեհները հաջորդում էին մեկը մյուսին, այնպես որ Տիգրիսից եկող ջուրը մեզ, նկատի ունեմ՝ ալ-Գարի թաղամաս, այլևս չէր հասնում...

Ավագակերը հասան Բայնա ալ-Սուրայն թաղամաս (ալ-Գարիի շրջանում) և հարձակվեցին դրա վրա: Վերցրին ամենը, ինչ կար իմ տանը՝ ոսկի, հագուստ, կահույք և այն ամենը, ինչ հետ էի գցել սև օրվա համար ամբողջ կյանքիս ընթացքում: Նրանք դանակով սրածեցին իմ ստրկուհուն՝ նրանից պահանջելով փող, ինչից և ես մահացավ այդ նույն օրը: Իսկ ես գրկվեցի ամենից, ինչ ունեի” (19):

Իր մեկ այլ՝ “Երկու վեզիրների վարքուբարքը” գրքում, հեղինակը ունի ‘Աբբադանիի առնչությամբ շատ հպանցիկ տալիս է Մասանի զավակների անունը՝ հենց այդ տարբերակով:

Մակայն Յակուբի բնութագրին ամենից մոտ տարբերակով, որում Յակուբը նրան անվանում է “*մուրացկանություն անողներ Մասանի զավակների պարագլուխ*”, ալ-Թաուհիդին գրում է իր կյանքի վերջին գործը համարվող ‘Աբու Սահլ դատավորին հղված ուղերձով: Դրանում պատմում է իր գրքերն այրելու մասին: Եվ ընդամենը մի կետով նշում է. “*ստիպված էի ստորագրուցիչ մուրացկանություն անել ազնվականներից ու հասարակ մարդկանցից*” (20):

Պետք է կարծել, որ հենց այս վերջին գործում է հարկավոր որոնել ալ-Թաուհիդի-Մասանի որդիներ առնչության իսկական հետքերը՝ հեղինակի կենսագրության մեջ 400/1009 թվականի ունեցած առանձնահատուկ դերի նկատառումով: Բանն այն է, որ վերոհիշյալ մյուս գործերը գրվել են մինչև 400/1009 թվականը. “Վայելքը և ժամանքը”՝ 373/983-375/386թթ., “Երկու վեզիրների վարքուբարքը”՝ 370/980-381/995թթ.: Նշված ուղերձը թվագրվում է հենց հիջրայի 400 թվականի Ռամադան ամսով/1009-ի ապրիլ-մայիսով: Իսկ 1009 թվականին ալ-Թաուհիդին կտրուկ “կորել է” տարեգրություններից, դուկտոր ‘Ահմադի բառերով ասած՝ “*ընդհատվել են նրանից տեղեկությունները ու նրա հետքերը*” (21): Եվ դա այն դեպքում, երբ ուսումնասիրողների մեծամասնության կարծիքով՝ դրանից հետո ալ-Թաուհիդին ապրել է ևս 14 տարի՝ մինչև 1023-ը: Այս դեպքում էլ հարց է առաջանում, թե որտեղ է գտնվել ալ-Թաուհիդին և ինչով է զբաղվել: Այն պարագայում, երբ ընդունված է կարծել, որ 1009-ից հետո ալ-Թաուհիդին ղադարեցրել է զրական գործունեությունը, պետք է ճիշտ համարել դուկտոր Յուսուֆ Ջեդանի այն ենթադրությունը, ըստ որի՝ կյանքի այդ փուլը ‘Աբու Հայյան ալ-Թաուհիդին անց է կացրել՝ միանալով սասանցիների խմբի (الساسانية)՝ մուրացկանություն անելով:

Մնում է միայն հավելել Յակուբի այն մանրամասը, թե ալ-Թաուհիդին “պարագլուխ” էր, ոչ հասարակ ավագակ:

Մեկնաբանություններ և հղումներ

1. 'Աղաբ (ստուգաբանվում է 'D B արմատով, որը նշանակում է "հրաշալի բան", "հրավեր [ճաշի]"), միջնադարյան մուսուլմանական գրականության մեջ ամենատարածված ժանրերից մեկը, արաբամուսուլմանական մշակույթի վերելքի ժամանակաշրջանի՝ 8-12-րդ դարերի գրականության հիմնական ժանրը: Բարոյախրատական, աշխարհիկ գրականություն: Ըստ արևմտյան ուսումնասիրողների՝ 'աղաբը համեմատելի է արևմտյան բելետրիստիկա (belles-lettres (գոյ. հոգ bel' letter-ից) կամ անգլիականացված՝ bell-letters, թարգմանաբար՝ գեղարվեստական գրականություն) հասկացության հետ:
2. Յակուբի "Ուլեցուլցում" ալ-Թաուհիդիի առավել ամբողջական բնորոշումն այսպիսին է. "Գոեհիլաբեզու, մուրացկանություն անողներ Սասանի զավակների պարագլուխ, իրեն արված վատությունից ու լավությունից սակավագոհ, պախարակումն է նրա բանը և զրպարտաբանությունը՝ նրա արհեստը, սահմանափակ, աղավաղող, բողոքում է իր ժամանակի վատումից և իր երկերում արցունք է թափում իր զրկանքի համար... կամենում է միայն զբաղվել մարդկանց պախարակումով, նախատինքով, զրպարտաբանությամբ... սուֆի է՝ իր ուղիով ու կորպորացիայով, եղել է իր մասին մեծ կարծիքի, մարդիկ հաստատ իմացել են նրա հավատը, հմուտ էր բոլոր գիտություններում, նա սուֆիականության շեյխ էր, 'աղիբների փիլիսոփա և փիլիսոփաների՝ 'աղիբ, քալամի մուհակկիկ և մուհակկիկների մութաբալլիմ, պերճախոսների իմամ... եզակի աշխարհում, որին հավասարը չկա": (1979 - مروجت - ص 5 - ج 15 - ياقوت الحموي - معجم الأبياء -)
3. Սուֆիականություն՝ միստիկ ուղղություն իսլամում, որը 10-11-րդ դարում ոչ միայն ազդեցիկ, այլ նաև նորաձև դարձավ իսլամում, իսկ ամբողջ Միջնադարի ընթացքում հսկայական ազդեցություն ունեցավ մուսուլմանների հոգևոր կյանքի վրա:
4. 'Աղիբ՝ միջնադարյան մուսուլման մտավորական:
5. Բարտոլդը այս առիթով գրում է. "Արու Հայյան ալ-Թաուհիդին համարվում էր, 'աղիբների փիլիսոփա և փիլիսոփաների՝ 'աղիբ, ինչից երևում է, որ 'աղաբի և փիլիսոփայության միջև որոշ մոտիկություն էին տեսնում և միևնույն ժամանակ սկզբունքային տարբերություն": (Бартольд, В.В. Сочинения, том VI, Москва, 1966 с. 623) :
6. Քալամ՝ մուսուլմանական դոգմատիկ ասվածաբանությունը
7. "Պարսկական գրականության մեջ մուհակկիկին հակադրվում է գիտնական ընդհանրապես՝ դակիշմենդը [գիտակ, գիտուն - Դ. Վ.]": (Бартольд, В.В., Сочинения, том VI, Москва, 1966, էջ 623). այսպես է Վ. Բարտոլդը բացատրում "մուհակկիկ" հասկացությունը: Տվյալ դեպքում ստացվում է, որ ալ-Թաուհիդին մասնավորապես էր տիրապետում գիտելիքներին, ժամանակակից հասկացության համաձայն՝ մասնագիտացած գիտնական էր:
8. Մութաբալլիմ՝ քալամի ներկայացուցիչ
9. Առաջնորդ, վարպետ (արաբ.)
10. Мец А., "Мусульманский Ренессанс", М., 1972, с. 212
11. Այդ մասնագիտությունը ինքը ալ-Թաուհիդին անվանում է "դժբախտ մասնագիտություն", զբաղվումք, որը "սպառում է մարդու կյանքն ու տեսողությունը":
12. Ալ-Աբբասիյուն (կամ բանու ալ-Աբբաս), Աբբասյաններ, խալիֆների՝ ալ-Աբբաս իբն 'Աբդ ալ-Մուստալիբ իբն Հաշիմի (մահ.՝ 653թ)՝ Մուհամմադ մարգարեի հորեղբոր անիջական սերունդների երկրորդ հարստությունը (Ислам, Энциклопедический словарь, с. 6), որն իշխեց 750-1256թթ:
13. Фильштинский И.М., История Арабской Литературы, X-XVIII века, Москва, 1991, с. 278
14. Макамы, Абу Мухаммед аль-Касим аль-Харири, М., 1987, с. 8
15. Фильштинский И.М., История Арабской Литературы, X-XVIII века, М., 1991, с. 278-280

15. Հստ՝Արու Դուլաֆի՝Մասանյան կասիդայի՝Մասանի զավակները ճգնակյացի հազուատ են կրում, տոն օրերին մերկ դուրս են գալիս փողոց, երկում են իրենց մարմինը՝ հափատացնելու, թե իրենք դիվահար են, ողորմություն են խնդրում՝ ցուցադրելով մարմնի ծայրատվածքներ, մարմնի վրա արհեստական ուռուցքներ են գոյացնում, ձեռքով պոկում և ատամներով կրծում են երկաթ ու ապակի, ուղտի պես դառը բույսեր են ուտում, ծաղրում են ծեր բարոգիչներին, իրենց կարիքներն են հոգում մզկիթներում, երբեմն մոզական շնորհքի հավակնություններով՝ մոզական գործողություններ են կատարում, թշուրմ են հիվանդների ու դիվահարների վրա՝ իբր նրանց բուժելու համար, մեզ են լցնում մարդկանց վրա, թալիսմաններ են վաճառում, անպատիժ ծիսական թալան են կատարում՝ քաղցրավենիք հափշտակելուց մինչև անհավատների՝ դեմ պատերազմներ, որոնք նրանց հարստացում են խոստանում:

16. Մակամա՝ սրիկայապատում եղվելներ, որոնք հանգավոր արձակով, բարդագույն արաբերեն լեզվով երկրպագնում էին ուլայա, բայց չքավոր հերոսի՝ հաճախ քննադատելի արկածները, որ զարգանում էին տարբեր վայրերում, իրավիճակներում և անձանց հետ զիտելիք, խարդախության, հնարամտության, կասկածելի այլ հատկանիշների դրսևորումներով:

17. Պահանջարկը սահմանում էր «բարձրաշխարհիկ» հասարակությունը, որը մի տեսակ պաշտամունք էր տաժում այդ կիսաքրեական տարրի հանդեպ, մոտավորապես այնպիսին, ինչպիսին այսօր առկա է հայաստանյան հասարակության շրջանում: Այդպիսի ուրույն հետաքրքրությունը, ըստ Բ.Ֆիլշտինսկու, անշուշտ վկայում է միջնադարյան արաբամուսուլմանական հասարակության ապրած սոցիալական ու հոգևոր ճգնաժամը: Բայց մյուս կողմից ուլայա խավին զվարճացնում էին գողերի օյիները, նրանց բառապաշարը, արարքները: Գող-ավազակների մասին՝ առատորեն բանաստեղծություններով զարդարուն պատումները, որոնցում խոսվում էր ֆորտունայի անհաստատունության, մարդկային գործերի ու ապավիստումների չնչիության ու անարդյունավետության մասին, հաջողությամբ մրցակցում էին արքունի ավանդական գրական «ոչպերտուարի» հետ:

18. Макамы, Абу Мухаммед аль-Касим аль-Харири, М., 1987, с. 3

19. 1953 - الإمتاع والمؤانسة - ج 3 - 161-162 ص - القاهرة

20. 2001 - من رسائل أبي حيان التوحيد - أحمد السيد عزت الدكتور - 130 ص - دمشق

21. Նույն տեղում, 73

22. أبو حيان التوحيد هل كان صوفيًا أو قبلونيًا ؟ - <http://www.ziedan.com/research/us4.asp>

Օգտագործված գրականություն

1. Фильштинский И.М., История Арабской Литературы, X-XVIII века, Москва, 1991

2. 2001 - من رسائل أبي حيان التوحيد - الدكتور عزت السيد أحمد - دمشق

3. Бартольд, В.В., Сочинения, том VI, Москва, 1966

4. Ислам, Энциклопедический словарь

5. 1953 - الإمتاع والمؤانسة - القاهرة

7. Макамы, Абу Мухаммед аль-Касим аль-Харири, М., 1987

8. Classical Arabic Crime Narratives: Thieves and Thievery in Adab Literature, Journal of Arabic Literature, Vol. 19, No. 2 (Sep., 1988)

9. 'Akhlāq al-Wazīrayn: as-Sāhib ibn 'Abbād wa Ibn al-'Amīd, Khalīl al-Mansūr, Beirut, 1997

10. The Mediaeval Islamic Underworld: The Banu Sasan in Arabic Society and Literature, Leiden, 1976

11. أبو حيان التوحيد هل كان صوفيًا أو قبلونيًا ؟ - <http://www.ziedan.com/research/us4.asp>